



REPUBLIKA E SHQIPËRISË
**MINISTRIA E INFRASTRUKTURËS
DHE ENERGJISË**

**RAPORT I GJASHTËMUJORIT TË PARË TË VITIT 2023 PËR PROCESIN E
KONSULTIMIT PUBLIK TË REALIZUAR NGA MINISTRIA E
INFRASTRUKTURËS DHE ENERGJISË**

1. Përmbledhje ekzekutive

Për gjashtëmuajorin e parë të vitit 2023, Ministria e Infrastrukturës dhe Energjisë (MIE) ka realizuar në masën 100% detyrimin për konsultim publik të projekt-akteve objekt i konsultimit publik sipas përcaktimeve të Ligjit nr. 146/2014 “Për Njoftimin dhe Konsultimin Publik”.

Projektligji për disa ndryshime dhe shtesa në ligjin nr. 97/2013, “Për mediat audiovizive në Republikën e Shqipërisë”, të ndryshuar, është konsultuar në fazën fillestare të draftimit të tij si dhe në fazë drafti të avancuar.

Audienca pjesëmarrëse në konsultim publik për këtë projektligj ka qenë e lartë duke përfshirë publikun, i cili dërgoi reagime nëpërmjet Regjistrisë Elektronike të Njoftimit dhe Konsultimit Publik, si dhe të ekspertëve, organizatave, partnerëve ndërkombëtar për zhvillim, institucioneve të Bashkimit Evropian si dhe të shoqërisë civile.

Përgjatë kësaj periudhe raportimi janë zhvilluar konsultime publike dhe për disa projekt-akte të tjera të cilat do të paraqiten për miratim në periudhën e ardhshme të raportimit, siç janë:

1. Projektligji “Për prodhimin, transportimin dhe tregtimin e biokarburanteve dhe të lëndëve të tjera djegëse, të rinovueshme, për transport”.
2. Projektvendimin “Për miratimin e Strategjisë Kombëtare të Sektorit të Furnizimit me Ujë dhe Kanalizimeve 2022-2030”.

Krahasuar me vitin e kaluar ministria ka performuar me mirë lidhur me këtë proces, duke diversifikuar metodat e përdorura për konsultim publik dhe duke i përzgjedhur ato në varësi të kompleksitetit të akteve. Thënë kjo, aktet e konsultuara në këtë periudhë i janë nënshtruar dy fazave konsultimi, si dhe procesi është përsëritur apo janë zhvilluar dëgjesa publike me qëllim njohjen dhe mbledhjen e reagimeve nga grupet e interesit dhe publike.

Sfida për tu adresuar vijon të mbetet rritja e përfshirjes së publikut në vendimmarrje, dhe nevoja për një informim më të mirë të këtij procesi ndaj publikut.



REPUBLIKA E SHQIPËRISE
**MINISTRIA E INFRASTRUKTURËS
DHE ENERGJISË**

Një problematikë që vlen të theksohet është se ka shumë vizitorë, si nga qytetarë dhe ekspertë por janë të pakët ata që lënë komente në portalin e Regjistrimit Elektronik të Njoftimeve dhe Konsultimeve Publike. Megjithatë, qytetarët/ekspertët kanë pasur mundësi dhe rrugë të tjera, si përshembull adresën e-mail për të përcjellë shqetësimet dhe paqartësitë e tyre, e cila ka rezultuar më efektive.

2. Analiza e konsultimeve të kryera gjatë gjashtë mujorit të parë të vitit 2023

2.1 Numri i përgjithshëm i akteve për të cilat janë kryer konsultimet publike

Numri i përgjithshëm i akteve për të cilin Ministria e Infrastrukturës dhe Energjisë ka kryer konsultim publik gjatë gjashtëmuajorit të parë të vitit 2023 është 1 (një), konkretisht për:

- Projektligjin “Për disa ndryshime dhe shtesa në ligjin nr. 97/2013, “Për mediat audiovizive në Republikën e Shqipërisë”, të ndryshuar.

1.1.1 Cili ishte numri i përgjithshëm i akteve të miratuara në një vit të caktuar?

MIE ka miratuar 87 akte në gjashtëmuajorin e parë të vitit 2023.

1.1.2 Sa akte janë konsultuar dhe sa jo?

1 (një) projektakt i është nënshtruar konsultimit publik.

1.1.3 Sa ligje me raporte VNR-je janë konsultuar?

- Është konsultuar 1 (një) projektakt: Projektligji “Për disa ndryshime dhe shtesa në ligjin nr.97/2013, “Për mediat audiovizive në Republikën e Shqipërisë”, të ndryshuar.

1.1.4 Për sa akte në a) Programin Analitik, b) PKIE, c) dokumente strategjike të sektorit, janë përdorur kriteret/përgjashtimet nga konsultimet publike? Cilat janë arsyet kryesore për të mos u konsultuar (nëse ka të tilla)?

- Për 23 aktet e parashikuara në Programin Analitik gjatë gjashtë vitit 2023, për 19 prej tyre janë përdorur kriteret e përjashtimit nga konsultimi publik sipas përcaktimeve të




REPUBLIKA E SHQIPËRISE
**MINISTRIA E INFRASTRUKTURËS
DHE ENERGJISË**

Ligjit nr. 146/2014 “Për Njoftimin dhe Konsultimin Publik”, pasi nuk janë në listën shteruese për të cilën është i detyruar konsultimi publik.

- Nga 6 aktet e parashikuara në PKIE, për 3 prej tyre aplikohen kriteret e përjashtimit nga konsultimi publik sipas përcaktimeve të Ligjit nr. 146/2014 “Për Njoftimin dhe Konsultimin Publik.
- Nga 12 aktet e parashikuara në dokumentat strategjike kombëtare dhe sektoriale, për 7 prej tyre aplikohen kriteret e përjashtimit nga konsultimi publik sipas përcaktimeve të Ligjit nr. 146/2014 “Për Njoftimin dhe Konsultimin Publik.

Grafik 1: Përdorimi i kritereve të përjashtimit nga konsultimi publik



1.1.5 Cila ishte struktura e akteve të konsultuara (sa projektligje, VKM, udhëzime, etj.)?

1 (një) projektligj, i miratuar.

1.1.6 A është përmirësuar situata në krahasim me vitin e kaluar (cilësoni)?

Krahasuar me performancën institucionale të vitit të kaluar MIE për periudhën e raportimit ka realizuar një proces efektiv konsultimi publik për projektligjin e miratuar.



REPUBLIKA E SHQIPËRISE
**MINISTRIA E INFRASTRUKTURËS
DHE ENERGJISË**

1.2 Metodatat e konsultimit

1.2.1 Cilat ishin metodatat më të përdorura të konsultimit? (Jepni numrin e konsultimeve të kryera për secilën metodë - regjistri elektronik, posta elektronike, faqe interneti, takime publike, komitete këshillimore, etj.)

Metodat e përdorura për konsultimin publik gjatë kësaj periudhe ishin:

1. Konsultimi në faqen zyrtare të konsultimit publik,
2. Nëpërmjet faqes zyrtare të Ministrisë,
3. Adresa e emailit të personave të kontaktit (Drejtori Teknike, Koordinator Konsultimit Publik),
4. Takime, diskutime konsultative me Institucionet shtetëror,
5. Takim teknik me përfaqësues të huaj (Komisionit Europian, DG Near dhe DG Connect, EUD dhe Observatorin e Medias Europiane),
6. Takim pranë ambjenteve të MIE me përfaqësues nga shoqëria civile.

1.2.2 Cila metodë konsultimi gjeneroi numrin më të madh të komenteve?

Metoda që gjeneroi numrin më të madh të komenteve ishte ajo e takimeve konsultative. Numri i komenteve përmes konsultimit publik nëpërmjet emailit dhe ndërmjet regjistrimit elektronik për njoftimet dhe konsultimet publike ishin 2 (dy) komente dhe asnjë koment përmes publikimit në faqen zyrtare të Ministrisë së Infrastrukturës dhe Energjisë.

1.2.3 A organizoi institucioni konsultime paraprake në fazat e hershme të hartimit? Nëse po, në sa raste?

Po, projektligji është hartuar me kontributin e Autoritetit të Mediave Audiovizive, në bashkëpunim me Ministrinë për Infrastrukturën dhe Energjinë, Drejtorinë e Politikave dhe Strategjive të Zhvillimit të Telekomunikacionit dhe Postave, në kuadër të grupit ndërinstitucional të punës për integrimin Evropian për Kapitullin 10, "Shoqëria e Informacionit dhe Media".

1.3 Kohëzgjatja e konsultimeve



REPUBLIKA E SHQIPËRISE
**MINISTRIA E INFRASTRUKTURËS
DHE ENERGJISË**

1.3.1 Sa konsultime ishin të hapura për 20 ditë pune siç kërkohet nga ligji? Cila ishte periudha më e gjatë apo më e shkurtër e kohëzgjatjes së konsultimeve?

Konsultimi në Regjistrin Elektronik për Njoftimet dhe Konsultimet Publike për aktet e planifikuara gjatë të vitit 2023 u realizua në përputhje me ligjin nr.146/2014 “Për Njoftimin dhe Konsultimin Publik”, përkatësisht me nenin 15 të tij.

1.3.2 Cila ishte kohëzgjatja mesatare e konsultimit?

Kohëzgjatja mesatare e konsultimit përsa i përket fazave paraprake dhe më pas publikimit në RENJK, është 9 (nëntë) muaj.

1.3.3 A është përmirësuar situata në krahasim me vitet e kaluara?

Konsultimi për projektligjin e miratuar është zhvilluar bazuar mbi parimin e pjesëmarrjes dhe propocionalitetit, duke përzgjedhur metodat dhe targetuar aktorët që ndikohen nga politika e krijuar.

1.4 Palët e interesuara të përfshira

1.4.1 Sa aktorë të jashtëm, jo-qeveritarë morën pjesë për hartimin e akteve si anëtarë të caktuar të grupeve të punës/organeve këshillimore në vitin e caktuar?

10 Aktorë të jashtëm kryesisht ekspertë të fushës, përfaqësues të institucioneve shtetërore, Organet Rregullatore, ekspert teknik të BE, shoqëria civile etj ishin pjesëmarrës në procesin e hartimit.

1.4.2 Cila ishte struktura e anëtarëve të jashtëm të grupeve të punës (ekspertë individualë, OSHC, kompani, etj.)

Për konsultimin e projektakteve gjatë vitit 2023, pjesëmarrësit ishin:

- Ekspertë vendas dhe të huaj,
- përfaqësues nga organet rregullatore,
- përfaqësues nga institucione publike të pavarura apo institucione të varësisë,



REPUBLIKA E SHQIPËRISE
**MINISTRIA E INFRASTRUKTURËS
DHE ENERGJISË**

- përfaqësues nga shoqëria civile.

1.4.3 Sa palë të interesuara morën pjesë/dhanë komente në konsultime të hapura të realizuara për projekt-aktet në vitin e caktuar?

Gjatë procesit të konsultimit, 9 ishin aktorët e interesit të cilët dhanë komente dhe sugjerime me qëllim përmirësimin e projektakteve.

1.4.4 Cila ishte struktura e kontribuesve në konsultimet publike, sa persona, sa persona juridikë (ndërmarrje, shoqata, etj.)?

Pjesa më e madhe e komenteve janë përcjellë kryesisht nga konsultimi teknik me Ministrinë e linjës: MFE, MD, MEPJ, AKEP dhe Posta Shqiptare. Gjithashtu gjatë fazës paraprake pati sugjerime dhe kontribut edhe nga ekspertët teknik me përfaqësues të Komisionit Europian, DG Near dhe DG Connect, EUD dhe Observatorin e Medias Europiane. Në fazën e mëvonshme të konsultimit komentet erdhën kryesisht nga shoqëria civile, konkretisht nga Dhoma Amerikane e Tregtisë dhe Organizata “AWA Albanian Woman in Audiovisual”.

1.4.5 A është përmirësuar situata në krahasim me vitet e kaluara?

Situata për gjashtëmujorin e parë 2023 paraqitet e përmirësuar. Procesi i konsultimi ka qenë proaktiv dhe gjithëpërfshirës, duke zhvilluar konsultime të fazuara dhe mundësuar kështu pjesëmarrjen e të gjitha palëve të interesit.

1.5 Rekomandimet dhe komentet e marra

1.5.1 Sa është numri i rekomandimeve dhe komenteve të marra gjithsej dhe mesatarja për çdo konsultim?

Në regjistrin e konsultimeve publike ka pasur 2 komente/sugjerime nga Rrjeti Fuqizimit Gruas në Shqipëri dhe Organizata “AWA Albanian Woman in Audiovisual” në fazën e parë të konsultimit.



REPUBLIKA E SHQIPËRISE
**MINISTRIA E INFRASTRUKTURËS
DHE ENERGJISË**

Ndërsa në adresën elektronike ka pasur 1 (një) koment nga Dhoma Amerikane e Tregtisë dhe 1 (një) koment nga Organizata “AWA Albanian Woman in Audiovisual”(e njëjtë me atë në RENJK). Pranë AMA kanë paraqitur komente, sugjerime tre operatorë të medias audiovizive.

1.5.2 Sa prej tyre u pranuan, u pranuan pjesërisht ose u refuzuan?

Komentet e pranuar tërësisht janë 0 (zero), të pranuar pjesërisht 1 (dy), ndërsa të refuzuara 2 (dy).

1.5.3 Cila është tendenca nëse krahasohet me vitet e kaluara?

Konstatohet se tendenca nuk është përmirësuar.

1.5.4 Sa raporte të VNR-së janë ndryshuar/përditësuar në bazë të informacionit/të dhënave të marra gjatë konsultimit publik?

Raporti i VNR nuk është përditësuar në përfundim të procesit të konsultimit pasi reagimet e mbledhura nuk ndryshojnë implikimet e politikës së krijuar.

1.6 Raportet mbi rezultatet e konsultimit

1.6.1 Sa raporte konsultimi publikoi institucioni?

Për vitin 2023 Ministria e Infrastrukturës dhe Energjisë ka publikuar 1 (një) raport konsultimi për projektligjin “Për disa ndryshime dhe shtesa në ligjin nr. 97/2013, “Për mediat audiovizive në Republikën e Shqipërisë”, të ndryshuar”.

1.1.1 Nëse disa nuk u publikuan, cilat janë arsyet?

Është publikuar 1 (një) raport konsultimi për aktin e konsultuar.

1.2 Vetëvlerësimi i institucionit në lidhje me Indeksën e cilësisë së performancës institucionale në përputhje me kërkesat e ligjit për njoftimin dhe konsultimin publik (Jepni informacion për rezultatin mesatar për të gjitha aktet e institucionit, subjekt të konsultimeve publike, bazuar në pikët e rezultateve në Shtojcën 5c)



REPUBLIKA E SHQIPËRISE
**MINISTRIA E INFRASTRUKTURËS
DHE ENERGJISË**

Duke marrë në konsideratë metodologjinë e pikëzimit “Projektligjet publikohen në sistemin e informacionit të qeverisë, është dhënë informacion i mjaftueshëm lidhur me konsultimin e gjerë me grupet e interesit; janë ruajtur prova të mjaftueshme për reagimet e tyre, në draftin e ri pasqyrohet dhe reflektohet reagimi të palëve të interesuara”, konsultimi publik për projektligjin “Për disa ndryshime dhe shtesa në ligjin nr.97/2013, “Për mediat audiovizive në Republikën e Shqipërisë”, të ndryshuar”, vlerësohet me 8 pikë.

2. Sfidat dhe mundësitë për të ardhmen *(Cilat janë sfidat kryesore në organizimin dhe zbatimin e konsultimeve në ministri dhe si duhet dhe do të adresohen ato në periudhën tjetër të raportimit?)*

Për sfidat kryesore që paraqet konsultimi publik mund të përmendim gjithpërfshirjen e publikut, ndërmjet një angazhimi më të madh në këtë proces. Me qëllim përmirësimin e procesit të konsultimit publik, sugjerohet organizimi i konsultimeve përmes informimit më aktiv të publikut për përfshirjen në procesin e konsultimit publik.